

## Iluarsiissut

Saqqummiussissut 31. marts 2020-meersoq taarserpaa.

(Saqqummiussissummi allannguutit erseqqissaataasut allannguutigineqarput. Allannguutit ilanngunneqarput).

**Uunga siunnersuut: Nappaatit tunillaassortut akiorniarlugit iliuitsit pillugit Inatsisartut peqqussutaata allanngortinneqarnera pillugu Inatsisartut inatsisissaat nr. xx xx. xxx 2020-meersoq (Tunillaassuinerup pinaveersaartinniarnerni siaruarnaveersaartinniarnernilu aamma sullissiniarnermi pisariaqartitat il.il. qulakkeerniarnerni iliuseqartoqarsinnaanermut annertusaaneq)**

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

### Saqqummiussissut

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

### Siullermeerneqarnera

Aallaqqaasiutigalugu nunarsuarmi minnerunngitsumillu Kalaallit Nunaanni pisut ilungersu-nartorujussuarmik inissisimaneranni Inatsisartut piffissap sivikitsup iluani katersuunnermik-kut kajumissuseqarnerminnik takutitsinerannik qutsavigerusuppakka.

Naalakkersuisut Corona virusimik nutaamik COVID-19-imik tunillaassuinerup siaruanginn- nissaata aamma inuit perulullutik napparsimalissappata, taakkua katsorsarnissaannut tamakkiisumik sullissisinaanissap qulakkeernissaanut iliuusissanik pisarialinnik aalajangiiniarlutik tamaviaarput.

Maanna takorloorsimasinnaanngisatsinni inissisimavugut. Taamaattumik inatsit maannakkut atuuttup virusip ulorianartup tuniluunnerata siaruanginnissaanut aamma nappaatit tunillaassortut ulorianartut, soorlu COVID-19 akiornissaanut pisarialinnik tamakkiisumik sakkussaqartitsinngilaq.

Taamaattumik iliuserisinnaasatsinnik amerlanerusunik pisariaqartitsivugut.

Ullormi 16. marts 2020-mi COVID-19-imik Kalaallit Nunaanni tunillatsittoq siulleq paasineqarpoq, tamatumalu kingorna nutaanik tunillatsittoqarsimasoq paasine-qarpoq. Tamanna tunngavigalugu nappaatit tunillaassortut akiorniarlugit iliuitsit pillugit Inatsisartut peqqussutaanut allannguutissatut siunnersuummik saqqummiussisoqarnissaa pisariaqartinneqalersimavoq, taamaattumik Naalakkersuisut nunarsuup sinnerani iliuitsit malillugit tuniluunnerup pinaveersaartinnissaa siaruarnaveersaartinnissaalu siunertaralugit

malittarisassanik erseqqinnerusunik aalajangersaanissaannik piginnaatinneqarsinnaanngorlugit.

Malittarisassanik pisarialinnik oqartussat, peqqussutit malinneqartinnissaannut pisariaqartissinnaasaannik aalajangersaanissamut periarfissaqarnissaq siunnersuummi siunertaavoq. Siunnersuut akuerineqarpat nalunaarutit arlallit atuutilersinneqassapput, taakkua virusip tuni-luunnerata siaruarnaveersaanissaanut aamma akiornissaanut iliuuserineqarsinnaasunik pisariaqartinneqartunik oqartussanut tunniussisuussapput.

Siunnersuut tusagassiorfinni allaatigineqarluni eqqartorneqarlunilu eqqartuussiviit akuersiteqqaarnagit inuit angerlarsimaffiitut isersinnaanermut periarfissiisoqassasoq. Paatsuineq taman-na pinngitsoortinniarlugu maanna inatsimmut oqaaseqaatini toqqaannaq allaqqavoq najugaris-aq maleruaqqusani ilaanngitsoq.

Siunnersuummi aalajangersarneqarpoq, Inatsisartut peqqussutaata kingusinnerpaamik 31. december 2021-mi atorunnaarsinneqassasoq. Taamaattumik nappaatit tunillaassortut pillugit Inatsisartut inatsisissaat nutaaq kingusinnerpaamik ukiup tulliani Inatsisartunut saqqum-miunneqassaaq

Taamanikkussamut neriussaagut ajornatorsiut manna qaanngersimassagipput, taamaasillutalu misilittaqalersimalluta inatsit tassunga tunngasoq iluarsartuussinnaanngorlugulu.

Naggataatigut Naalakkersuisut sinnerlugit Inatsisartunut aamma innuttaasunut erseqqissarusuppara, matumani inissisimanitsinnut tunngasunut Naalakkersuisut immikkut malittarisassiorniarmata.

Tamatta ataatsimoorluta virusi pinaveersaartittariaqarparput siaruatsaaliortariaqarlugulu.

Taamatut oqaaseqarlunga aalajangiiffigisassatut siunnersuut Inatsisartunut oqallisigisassanngorlugulu ingerlateqqippara.